



Und David versamlet alle Obersten in Israel / vnd die Priester vnd die Leuiten / das man die Leuiten zelete / von dreissig jahren vnd drüber / vnd jr zal war von heubt zu heubt / das starcke Man waren / acht vnd dreissig tausent . Aus welchen worden vier vnd zwenzig tausent verordnet / die das werck am Hause des HERRN trieben / vnd sechs tausent Amptleut vnd Richter / vnd vier tausent Thorhüter . Vnd vier tausent Lobesenger des HERRN mit Seitenspiel / die ich gemacht hab / lob zusingen .

(Dreissig)  
Es scheint / die  
Ebreische Bibel  
hie verfelscht sein  
denn sonst allent-  
halben zwenzig ge-  
schrieben stehet /  
vt paulo infra in  
4. Paragrapho et  
in Mose.

Sup. 6.

Und David macht die Ordnung vnter den Kindern Levi / nemlich / vnter Gerson / Kahath vnd Merari . Die Gersoniten waren Laedan vnd Simeï . Die Kinder Laedan / der erst / Jehiel / Sethan / vnd Joel die drey . Die Kinder aber Simeï waren / Salomith / Hasiel / vnd Haran die drey . Diese waren die furnemesten vnter den Vetern von Laedan . Auch waren diese Simeï Kinder / Jahath / Sina / Teus vnd Bria / diese vier waren auch Simeï Kinder . Jahath aber war der erste / Sisa der ander . Aber Teus vnd Bria hatten nicht viel Kinder / darumb wurden sie fur eins Vaters haus gerechnet .

Personiter.

Die Kinder Kahath waren / Amram / Jezehar / Hebron vnd Vsiel / die vier . Die Kinder Amram waren / Aaron vnd Mose . Aaron aber ward abge-sondert / das er geheiligt würde zum Allerheiligsten er vnd seine Söne ewiglich / zu reuchern fur dem HERRN / vnd zu dienen vnd zu segenen in dem Namen des HERRN ewiglich . Vnd Mose des mans Gottes Kinder wurden genennet vnter der Leuiten stam . Die Kinder aber Mose waren / Gerson vnd Elieser . Die Kinder Gerson / der erste war Sebuel . Die Kinder Elieser / der erst war Rahabja . Vnd Elieser hatte kein ander Kinder . Aber der Kinder Rahabja waren viel drüber . Die Kinder Jezehar waren Salomith / der erste . Die Kinder Hebron waren / Jeria der erste / Amarja der ander / Jehasiel der dritte / vnd Jakimeam der vierde . Die Kinder Vsiel waren / Micha der erst / vnd Jesia der ander .

Kinder Ka-  
bath.

Die Kinder Merari waren / Maheli vnd Musi . Die Kinder Maheli waren / Eleasar vnd Kis . Eleasar aber starb vnd hatte keine Söne / sondern Töchtere / vnd die Kinder Kis jr brüder / namen sie . Die Kinder Musi waren / Maheli / Eder vnd Jeremoth / die drey . Das sind die Kinder Levi vnter jrer Veter heuser / vnd furnemesten der Veter die gerechnet wurden nach der namen zal bey den Heubten / welche theten das geschafft des Ampts im Hause des HERRN / von zwenzig jahren vnd drüber . Denn David sprach / der HERR der Gott Israel hat seinem Volck ruge gegeben / vnd wird zu Jerusalem wonen ewiglich .

Kinder Me-  
rari .

Auch vnter den Leuiten wurden gezelet der Kinder Levi von zwenzig jahren vnd drüber / das sie die Wohnung nicht tragen durfften mit all jrem gerete jr Ampts . Sondern nach den legten Worten David / das sie stehen solten vnter der hand der Kinder Aaron / zu dienen im Hause des HERRN im hofe / vnd zu den Kasten / vnd zur reinigung / vnd zu allerley heiligthum / vnd zu allem werck des Ampts im Hause Gottes / vnd zum Schawbrot / zum Semelmel / zum Speisopffer / zu vngeseworten fladen / zur pfannen / zu rosten / vnd zu allem gewicht vnd mas . Vnd zu stehen des morgens zu dancken vnd zu loben den HERRN / des abends auch also . Vnd alle Brandopffer dem HERRN zu opffern auff die Sabbathen / Newmonden vnd feste / nach der zal vnd gebür alle wege fur dem HERRN / das sie warten der hut an der hütten des Stiffts vnd des heiligthums / vnd der Kinder Aaron jrer brüder / zu dienen im Hause des HERRN .

Matatto octavum  
Mosa.

XXV.

Wer